

高苑縣誌序



邑必有志猶一代必有史一姓必有譜也高苑在青齊未爲雄邑然視萊維諸邑則文明早被田氏時乃爲王都近郭游覽弋獵之地齊之有高苑猶漢之有上林也上林蟲魚鳥獸以

序一

至一艸一木司馬相如悉入宮商經緯而賦之高苑幸得除荆棘立城郭置社稷聚民人列里閭闔阡陌廣輪數千里可當古一侯國賦額二萬可當貴竹數郡而誌載荒畧使一邑之奇人名士忠孝節烈文章爾雅涇涇

不傳豈齊無人乎得無爲司馬相如
所笑吾友宋君采臣以愷悌之政喚
响一邑謳歌之聲達於境外民和訟
簡公餘多暇乃取邑志修之凡分野
山川土產風俗財賦貢獻古蹟沿革
名宦鄉賢畸人列女僊釋藝文犁然

序一

畢備典雅有法詳贍而不蕪使好古
者有所考而憲古者有所勸戒是良
史也夫政事文學自古難兼朱邑治
桐鄉卓茂治密政績炳矣而著述闕
然至於華陽國志陳留耆舊諸書又
皆邑人所自葺而與爲政者無預采

臣乃兼有之豈非異才因念宋氏
於著述素所擅長采臣弟幾脩簡臣
薄宦於魯脩闕里廣志以呈合肥龔
端毅公公大為擊節書遂傳世余才
望不及合肥雖為玄晏詎足重采臣
乎顧天下有不朽而采臣從事其二

序三

康熙丙辰二月初吉

賜進士及第國子監祭酒華亭沈荃題



高苑縣誌序

余受任高苑見其民凋敝俗好訕訐又多
道賦加以雨暘不時則水旱洊至于是競
競若履春冰伏念正供當急也爲之月一
征視其後者而策之民樂輸矣訟者立爲
平決時時諭之以親睦人稍感化鬪狠亦
少衰息矣六稔以來歲不大祲惟是以縣
志當脩歷於懷而未逮康熙十一年壬子

高苑縣誌

序

一

八月奉檄修縣志幸得前令葛君曰舊志
前令馮君文盛重修者少加刪整然自明
萬曆中年後多闕畧訪之故老莫得定
故補葺自

皇清始夫高苑古臨濟也漢初田氏兄弟
王戰國時仲連先生之高風遺壘在焉
厲王朝三諫臣之廟貌丹青未泯此皆
邑之表表者若夫小清河之水害隣人

蓋夫則前令爲其勞而我受其逸在彼
其議以告來者嗟乎高苑青州十四屬之
最小而貧之縣也賴民多力穡婦女則織
布以自給迄今沐浴

聖化人文且蔚起矣又能急公自好他日有
賢人君子式蒞茲邑行見瘠土化爲樂郊
而忠臣高士之風何不可再見也

康熙壬子陽奎文林郎知縣事華亭宋弼

題



高苑縣誌卷之一

方輿誌

圖考 沿革 分野 疆城
山川 形勝 風俗 里社
物產 陵墓 古蹟

敘曰方輿之所從來舊矣然而今之方輿多不合於古之圖誌而古之郡邑又不合於今之名稱欲一一而牽合之未有不爽者苑邑之封疆爽鳩氏邈矣春秋而下代有因革或省或入或析或合難以數舉如長山之苑城店漢之舊邑治也今已析屬濟南蒲姑之會城洎隋之舊邑治也今已改入博興其他可知

高苑縣誌

卷之一

一


已且元時之畛域略及南山而明朝之境土界止清河

皇清因之是今之輿圖半非故履矣然而星野之昭回山川之真麗千古而下莫之或改也仰觀俯察四封之內有足述者故弁圖攷於簡端使入其疆者披圖而觀而興亡之故跡因革之大端如指諸掌其他之方輿者皆以類從焉庶乎觀其形勝考其風俗而治教刑政可次第舉矣

圖考


高苑縣志

卷之一



陽東

屋光



河


高苑縣志

卷之二

四



翻林



齊東縣

齊東縣

臨淄

王光山

沂水

鄒縣

沂山

沂河

沂河

商河縣

濟寧縣

白雲湖

章縣

濰

濟寧

注不華

高苑縣誌

卷之一

五

沿革

按高苑禹貢青州之域地名宛墻

晉灼曰宛苑苑三宇古通用故西漢

用宛東漢用苑晉以後用苑天官書句曲九星三處

羅二曰天苑正義曰天苑十六星如環狀在畢昴之間主養禽獸天子之苑囿也

殷武丁子封於宛春秋時齊桓公置宛囿於此故名宛城

通誌宛城世傳為齊桓公苑新

故邑名桓邑蓋元始割高苑之南 戰國時為翟城地

鄒置新城則高苑為桓之宛明矣 史記淄州高苑西北翟故城田德殺

翟令於此以兵救魏王咎於臨濟 漢初為丙倩

侯國後析置翟披 皮彼 陽高宛三縣屬千乘郡隸

州部 高苑名見戰國置縣助於漢通也高苑有漢披陽城又為翟縣地一按後齊於今長山縣

置平...郡漢書註千乘故城在淄州高苑縣郡國志
高苑縣北二十五里故千乘郡以齊景公有馬千駒
得名王莽更名常鄉東漢復名高苑改屬樂安國仍隸

青州部安帝永初二年又改翟為臨濟後省入高苑

水經註臨濟縣故翟邑也王莽更名利居安帝改從今名晉因之封裴秀為侯國

晉書以高苑濟川墟封裴秀為侯國今遺址在境內南北朝廢別於縣西二里

故城置長樂縣屬渤海郡隸冀州部高齊改屬長樂

郡隋開皇二年郡罷改屬齊郡隸青州部十六年改

屬淄州十八年改名會城齊乘城南有八會津水陸遺址在博興縣南會城所轄其路有八故名會城

遺址在博興縣南會城所轄其路有八故名會城大業間復名高苑仍屬齊郡隸

高苑縣誌 卷之一 六

青州部齊乘高苑故城在長山唐武德初改屬鄒州

八年州廢改屬淄州淄川郡隸河南道景隆元年

置濟陽縣齊乘濟陽縣在濟南府東北九元和十五

年省入高苑宋初因之屬淄州隸京東東路景德二

年以縣置宣化軍熙寧三年廢復為縣即縣治置軍

使金復名高苑屬淄州隸山東東路元因之屬行淄

州至元二年州廢改屬益都路總管府隸山東東西

道宣慰司明洪武初改屬青州府隸山東布政使司

地志虛危爲齊分星曰元枵宮曰寶餅時曰子州曰青

春秋運斗樞虛危之精流爲青州分爲齊國

天官書齊虛危之分野北有千乘清河以南渤海之

高樂高城重合陽信

晉天文志齊國入虛六度北海入虛九度樂安入虛

四度

唐天文志須女虛危元枵也初須女五度餘二十三

百七十四秒四少中虛九度終危十二度自濟北東

高苑縣誌

卷之一

七

踰濟水得漢北海千乘淄川濟南齊郡及平原渤海

九河之南瀆於碣石

宋天文志天市垣二十二星東西各列十一星其東

蕃第七曰齊又曰女宿之下有十二諸侯之星九坎

之東一星爲齊

按易曰觀乎天文以察時變蓋以陰陽之精其本在地而上發于天此括

地者必首辨星野歷考象緯諸書無專言苑牆者先儒謂一度該二千九百餘里魏陳卓分郡國宿度曰齊國入虛六度今之府境是也去邑境百里而遙則邑之入虛六度也明矣

域

四境幅員大都在元以前南北長而東西短節商山

在東南九十餘里猶屬版圖今制南北促而東西長
延五十里袤四十里

東至博興縣三十里 以姚家套為界至縣治二十里

西至青城縣五十里 以田鎮為界至縣治三十里

南至新城縣三十里 以小清河為界至縣治五里

北至蒲臺縣七十里 以舊鎮為界至縣治四十里

東南抵臨淄縣九十里 以通濟橋為界至縣治五里

西南抵鄒平縣七十里 以松河為界至縣治七里

東北至利津縣一百四十里 以鄭家店為界至縣治三十里

高苑縣志

卷之一

西北抵武定州一百四十里 以田鎮為界至縣治三十里

東南達本府一百五十里西南達省會二百四十里

至 北京八百里至江南一千七百里

山川

商山 齊乘商山在臨淄西三十里今隸高苑一統志
在高苑東南九十里今寄于益都境中

大清河 古濟水也舊經臨濟縣南今在境外西北五
十里濟水勁疾穴地伏流隱見無常發地皆

泉故一見為濟源再見為榮水又見為山東諸泉水
而溢為大小清河

小清河 濟水之支流也發源于濟南之趵突泉流而
為灤水春秋桓公十八年會齊侯于灤是也

流逕華不注山華泉水及歷下名泉七十二皆入焉
東北流入大清河偽齊劉豫導之東行至韓家店而

分一支爲小清河會龍山河經章丘會消潔沙三
經節平長山新縣以至本縣西南程兒頭入境流至縣
南會河會孝婦河東流逕博興又東北至樂安馬車
溝入海齊乘小清河爲運鹽河初行高苑縣北金皇統
間縣令高通改由縣南長沙溝然此水迂曲上流歧
淺鹽舟多梗議者欲引孝婦河水西注上流非計也
一按齊乘所載小清河之水在元時則爲民利向在
日則爲民害也蓋河身淤塞已非故流而新民盜決
又爲故智以此歲被淹沒之苦莫可控訴詳具藝文
誌河議中

孝婦河 古名孝水齊有婦顏文姜事姑孝遠道取水
以供姑嗜不問寒暑偶靈泉生于室文姜常
以緝籠蓋之姑怪其取水即得值姜出始入室發籠
觀之水即噴湧壞其居宅故一名籠水水經一名孝
感泉源出益都縣顏神鎮西山麓經淄川西門合瀧
水至東北會明水北經長山新城至縣界西南七里
與小清合流逕博興至樂安東北高家港入海一按
高家港即馬車溝

高苑縣誌

卷之一

九

支脉溝 在縣南二里洩馬家泊一帶水逕博興達樂
安張家鎮入小清河今湮塞

麻太泊 在高苑博興新城三縣之間俗名官湖又名
錦秋浦即魚龍灣周回五六十里蒲葦叢生
芙蓉渠如錦亦一大觀也

馬家泊 在縣西南五里原聚水之處若天雨連綿則
駕鴨灣水又灌入泊中汎漲爲害



八景附

包泰山而作鎮負滄海以爲池 唐縣令 南山峙其東
李仁碑

清河阻其西 山東通志 城之四周西北高阜東南汗下大

清河經其北小清河界其南

商山霽雪 山在縣東南九十里奇峰晴嵐四時皆佳
至雪霽後則一巖簇玉萬樹綴瓊宛然天

荆園畫也

濟水明霞 水橫縣南五里澎湃湫澗狀難盡寫乃若朝暉夕照掩映波中始知水天一色霞

靈廟遺忠 靈侯周厲王時三諫官也祠與墓俱在城內時一瞻拜肅然有三代遺直之想

籠河播孝 顏文姜籠蓋水也發源顏神鎮流至岔河入境夫誠孝所感山河變換一笄悃猶然况冠紳而為丈夫者當何如是足風孝矣

翟城春雨 縣西北長堤如帶父老傳云此古翟城也方春雨餘桃李盈畦桑麻徧隴凭高寄眺泱泱大國之風猶有存者

靈臺秋月 縣東郭稍北有臺巋然相傳為靈異臺臺俯城郭四顧軒敞每秋宵月上把酒凭欄

高苑縣誌 卷之一 十 則一瞬千里勢盡青徐邑中景物此稱勝槩

南浦漁歌 浦名錦秋饒魚藕土人競操舟取之每蒞白荷綠雨歇煙消欸乃之聲響窮水際雖環三縣之界遊賞者時時往焉

古墟牧唱 墟為魯仲連墓在縣西五里遺址雜荆榛中曉日樵歌晚風牧笛聞者時起雍門之慨云

土虛而民耗 左傳齊之水遁勁而急故其民貪麤而好

勇 管子齊民闢達多匿知共天性也齊世家 士多好經術

矜功名舒緩闊達而足知其失夸奢朋黨言與行謬

虛詐不情急之則離散緩之則放縱漢地理志男子多務

農桑崇尚學業隋書若使俗除放縱風扇淳和太公之

一變可追仲父之四維齊舉唐李仁碑其俗重禮義勤耕

維宋地理志齊固為文學之國然亦以朋比夸詐見於習

俗曾鞏齊州詩序士鹹民貧賦重差繁性剛好義尤重婚喪

之禮青州府志

元旦戶無貴賤皆更衣詣廟拜尊長然後親友更相拜賀

立春五鼓鞭春市民群集爭取土牛名曰搶春

元宵市民粧歌臺雜伶優以競勝晚置燈于門舉放火炮花竿

高苑縣誌 卷之一 十一

清明家具牲酒楮錢祭墓加土立鞦韆為戲

端陽插艾于戶以避毒氣小兒以五彩絲繫手足及項下垂香囊號長命縷

中元設穀麻瓜果祀祖先于家

中秋以禮物相餽夕則對月宴飲名曰圓月

重陽做古遺事携酒登高

十月一日具時食酒肴祭奠

冬至具牲醴祭祖先于家土人行方拜之禮

除夕具牲醴祀先祖燒火盆響爆竹換桃符寫春聯骨肉團圓而飲名曰守歲

附元于氏齊俗論齊自孟嘗任俠過義後世反敗其俗至于近代不惟鄉義疎薄骨肉

之恩亦虧喪矣蓋因金亂瘡痍之餘重以李墮之困
民不趾地產錄必分膝下嬰孺亦于昆弟有彼已之
辨風俗大壞且五代干戈之際民有累世同居旌表
者在在在紀之豈有承平百年風俗乃薄惡如此可勝
歎哉漢志曰南陽好商賈召父富以本業穎川好爭
訟分異黃霸化以篤厚君子之德風也然則齊俗之
弊果不可變耶

葛臣曰陵谷有時而遷俗尚豈無變易今之苑俗土
瘠而生善產薄而好情士知禮讓農樂耕桑去功利
夸詐之風遠矣凡業儒者十之三服耕者十之七醫
販者十之一其君子則朴茂少文其小人則冥頑無
知喪重佛事送終則結彩相尚娛尸則淫樂竝作聲
律入而爲平語言濁而不清謳歌多用商調蓋商傷
也物既老而悲傷是豈細故也哉然政善則民足民
足則道生道生則俗美曩時聚廬村落烟火相望今
也破屋頽垣淒涼滿目甚至夜不聞鷄聲晝不見烟
爨勢時另耕女織各安其業今也男兼女織婦並男
耕甚至子女代耕牛于隴老嫗服役使于官孟子曰

高苑縣志

卷之一

三

民無恒產則無恒心苟無恒心風俗不忍言矣是以
東作復業西成遂逃徵稅糧則告包賠催銀差則告
頂補扛幫告官曰血會把持衙門曰陳言甚者窩盜
窩訪最爲大害大抵皆展轉攀緣莫可窮詰非細智
心神不能辦厥事先正云上有偃草之機下有從風
之勢愚因招撫流移得二千請給牛犂得百隻督率
耕耘慮其無教也又作十禁十向于保甲以寓勸懲
令民體教者孰謂俗不可變耶

原額四鄉元初割長山縣東鄙高苑縣南鄙置邑曰

新城仍以田索二鎮屬焉後新城以田鎮易我南川

一鄉今止三鄉

曰末寧鄉

領社十